

ՀԱՂՈՐԴՈՒՄՆԵՐ ԵՎ ՆԿԱՏՈՂՈՒԹՅՈՒՆՆԵՐ СООБЩЕНИЯ И ЗАМЕТКИ

ՄԱՅԻՍՅԱՆ ԱՊՍՏԱՄԲՈՒԹՅԱՆ ՍՈՎԵՏԱՀԱՅ ՊԱՏՄԱԳՐՈՒԹՅՈՒՆՆԵՐ

(Ապստամբության 50-ամյակի առթիվ)

Ա. Հ. ՄԵԼՔՈՆՅԱՆ

Մայիսյան ապստամբության պատմությանը նվիրված առաջին ուսումնասիրությունը պատկանում է Աշոտ Հովհաննիսյանի գրչին: Դա նրա «Հայաստանի հեղափոխության հուլիսն ու հոկտեմբերը» խորագիրը կրող հոդվածն է, որը լույս տեսավ 1923 թ. («Նորք», գիրք երկրորդ, 1923 թ., էջ 97—142):

Այստեղ, դեպքերի թարմ տպավորության տակ, հարուստ փաստական նյութերի հիման վրա, սեղմ շարադրված է Մայիսյան ապստամբության գիտական պատմությունը: Մայիսյան ապստամբության պատմության վերաբերյալ վերջին խոսքը թողնելով ապագա պատմաբանին, հեղինակը իրավացիորեն գրել է.

«Մայթաքումներն անխուսափելի են, բայց և անհրաժեշտ: Քանի որ այդ գնով է միայն հնարավոր մշակել կայուն տեսակետ մոտիկ անցյալի դալիք ուսումնասիրությունների համար» («Նորք», գիրք երկրորդ, 1923, էջ 97):

1926 թ. Մոսկվայում հայերեն լեզվով լույս տեսավ Շավարշ Ամիրխանյանի «Մայիսյան ապստամբությունը Հայաստանում (1920)» Գնահատության փորձ» վերնագրով աշխատությունը, որը լուրջ ներդրում է Մայիսյան ապստամբության պատմագրության մեջ: Հեղինակը նպատակ չի դրել տալու Մայիսյան ապստամբության ամբողջական պատմությունը, այլ, ինչպես ցույց է առնվում գրքի վերնագրից, «գնահատության փորձ» է կատարել: Նա միաժամանակ փաստական մեծ նյութ է տվել ապստամբության պատմության համար, քանի որ ինքը եղել է Դիլիջանի (Ղազախ-Շամշադինի) գավառային ռազմա-հեղափոխական կոմիտեի նախագահը, ապստամբության ղեկավարներից մեկը:

Սակայն պետք է նշել, որ Ամիրխանյանը անիրավացի մեղադրանքներ է շարտել Արմենկոմի և Ալեքսանդրապոլի կոմիտեի հասցեին: Հեղինակը սխալվում է հեղափոխական ուժերի գնահատման և ապստամբության բնույթի հարցերում, քննադատական խոսք չի ասում Դիլիջանի գավառային կոմիտեի գործունեության մասին:

Մայիսյան ապստամբության պատմության հարցի շուրջը 1927—1928 թթ. մամուլում ծավալվեց կրքոտ բանավեճ, որին մասնակցեցին ապստամբության մասնակիցներ, գրականագետներ և ուրիշներ: 1927 թ. «Կոմունիստ» ամսագրի խմբագրությունը մտքերի փոխանակության կարգով լույս ընծայեց գրական քննադատ Բ. Վանանդեցու «Մայիսյան ապստամբության գնահատման փորձի առթիվ» հոդվածը («Կոմունիստ», 1927, № 6), որով նա քննադատում էր Ա. Հովհաննիսյանի և Շ. Ամիրխանյանի վերը հիշատակված աշխատությունները: «Մայիսյան ապստամբությունը Հայաստանում (Շ. Ամիրխանյանի գրքի առթիվ)» հակագիտական հոդվածով («Կոմունիստ», 1927, № 9—10) հանդես եկավ Հ. Դուրգարյանը, որտեղ նա, նսեմացնելով Հայաստանի կոմունիստական կազմակերպությունների դերը և բանվորների ու գյուղացիների հեղափոխական ուժերը, գրում էր, թե «Հայաստանում 1920 թ. մայիսին ապստամբության համար օբյեկտիվ պայմաններ դեռ չէին հասունացել» («Կոմունիստ», 1927, № 9—10), էջ 98):

Հ. Դուրգարյանին արժանի հակահարված տվեցին Շ. Ամիրխանյանը՝ «Մեղանական դատողություն Մայիսյան ապստամբության մասին» («Կոմունիստ», 1928, № 3), Անանիա Բերբերյանը՝ «Պատասխան ընկ. Հովհ. Դուրգարյանին (նրա «Մայիսյան ապստամբությունը Հայաստանում» քննադատական դրվածքի առթիվ)» («Լենինյան ուղիով», 1928, № 1—2) և Մամբրև Դարագաշը՝ «Մայիսյան ապստամբության և դաշնակցության գնահատականի մի փորձի առթիվ (ընկ. Գ. Վանանդեցու հոդվածի առթիվ)» («Կոմունիստ», 1928, № 1) հոդվածներով:

1929 թ. լույս տեսավ Թադևոս Մանդալյանի «Մայիսյան ապստամբությունը» գրքույկը՝ Քննադատելով Շ. Ամիրխանյանին, նա իրավացիորեն գրում էր. «Որքան էլ թույլ լինեն մեր պրոլետարիատը, այնուամենայնիվ, միայն նա էր, որ կարող էր հեղափոխական շարժման ղեկավարը հանդիսանալ» (էջ 25)։ Թ. Մանդալյանը հիմնավորված կերպով բացահայտում է դաշնակցություն կուսակցության բուրժուական էությունը, նրա սերտ կապը ռուսական բուրժուազիայի հետ, փոխադարձ օգնությունը սպիտակ զվարդիական զենեքալիներ Դենիկինին և Վրան-պիին (էջ 3—13) և կշտամբում է Շ. Ամիրխանյանին ու Ա. Հովհաննիսյանին, որոնք խուսափում կամ սխալ են մեկնաբանում այդ կուսակցության էությունը։

Չնայած որոշ իմաստով Թ. Մանդալյանի գրքույկի վրա կա ժամանակի կնիքը Արմենկոմի և Ալեքսանդրապոլի կոմիտեի գործունեության քննադատության հարցում (նա սխալվում է հունվարյան կոնֆերանսի որոշման վերլուծման մեջ), բայց և այնպես այդ գրքույկը մնում է որպես արժեքավոր ուսումնասիրություն Մայիսյան ապստամբության պատմության վերաբերյալ գրականության մեջ։ Մանդալյանը հիմնականում ճիշտ է վերլուծել ապստամբության պատմությունը։

1929 թ. լույս տեսավ Բ. Բորյանի «Հայաստանը, միջազգային դիվանագիտությունը և ՍՍՀՄ-ը» երկհատոր աշխատությունը ռուսերեն լեզվով, որի մեջ նա կանգ է առել նաև Մայիսյան ապստամբության պատմության հարցերի վրա։ Սակայն ցավալի է, որ այստեղ սպորդել են չհիմնավորված մեղադրանքներ Արմենկոմի հասցեին։

1930 թ. ՀԿ(բ)Կ Կենտկոմի կուսպատ բաժինը լույս ընծայեց Մայիսյան ապստամբության տասներորդ տարեդարձին նվիրված հատուկ ժողովածու («Մայիսյան ապստամբությունը Հայաստանում (1920—1930)», Երևան, 1930), որը Մայիսյան ապստամբության պատմության համար կարևոր աղբյուր է հանդիսանում։ Ժողովածուն ունի ներածություն, որտեղ տրված է Մայիսյան ապստամբության ճիշտ զննահատականը։ Այնտեղ զետեղված են Մայիսյան ապստամբության 22 մասնակիցների գրած հիշողությունները և շատ փաստաթղթեր (Արմենկոմի 1920 թ. մայիսի 31-ի ղեկուցադիրը, մի շարք կոչեր, Ալեքսանդրապոլի կոմիտեի նամակները Արմենկոմին, Ա. Մուսայելյանի բանտից գրած ղեկուցադիրը Երկրային կոմիտեին և այլն)։ Հիշյալ ժողովածուում զետեղված են նաև 15 նկար, որոնց թվում՝ Արմենկոմի, Հայաստանի ռազմա-հեղափոխական կոմիտեների կազմի և այլ նկարներ։ Հավելվածում տրված են ռազմա-հեղափոխական կոմիտենների, ապստամբության ընթացքում զոհվածների և դաշնակցական կառավարության կողմից զնդակահարված ու բանտարկված կոմունիստների ցուցակները։ Հիշյալ ցուցակներն ու շատ փաստեր դեռ ճշտման ու լրացման կարոտ են։ Հենց այս նկատի ունենալով, ժողովածուի «Երկու խոսք» վերջաբանում ասված է. «Իրազեկ բոլոր ընկերների ուշադրությունն է հրավիրվում... մասսայական օժանդակությամբ հնարավորություն ստեղծելու լրացնել մեր երկրի հեղափոխության պատմության արձանագրման բոլոր թերությունները» (էջ 205)։

Նույն թվականին լույս տեսան Ա. Խանոյանի «Մայիսյան ապստամբությունը (1920—1930)» և Ա. Մելիք-Շահնազարյանի «Մայիսյան ապստամբությունը Հայաստանում» գրքույկները։ Առաջինն ունի մի ամփոփ տեղեկագրի բնույթ, երկրորդը, որպես ապստամբության շրջանում Ալեքսանդրապոլում գործող կարմիր զորամասերի հրամանատարի գրած հուշեր, արժեքավոր նյութ է տալիս այնտեղ ծավալված ռազմական գործողությունների մասին։ Առաջինը կազմում է ընդամենը 24 էջ, երկրորդը՝ 16։

1932 թ. ՀԿ(բ)Կ Կենտկոմի կուսպատ բաժինը վերածվեց ՀԿ(բ)Կ Կենտկոմին կից կուսպատ ինստիտուտի և մեծ աշխատանք տարավ Մայիսյան ապստամբության պատմության վերաբերյալ փաստաթղթերի հավաքման ուղղությամբ։ Նա նույն թվականին լույս ընծայեց «Առաջին մասսայական-հեղափոխական շարժումները Հայաստանում (Մայիսյան ապստամբությունը), նյութեր և փաստաթղթեր» խորագրով ծավալուն ժողովածուն (457 էջ), որը հարուստ նյութեր էր պարունակում Մայիսյան ապստամբության վերաբերյալ ժողովածուն կազմել են Կ. Ղազարյանը և Մ. Ներսիսյանը, նյութերի հավաքմանը և ծանոթագրությունները կազմելուն մասնակցել է Վ. Պարսամյանը, խմբագրել և ներածականը գրել է Կ. Ղազարյանը։ Ժողովածուի ներածականը, որն ունի «Մայիսյան ապստամբությունների նշանակությունը և տեղը Հայաստանի նորագույն պատմության մեջ» խորագիրը, լուրջ աշխատություն է Մայիսյան ապստամբության մասին, ծավալով ավելի մեծ (70 ծավալուն էջ), քան Մայիսյան ապստամբության վերաբերյալ Թ. Մանդալյանի, Ա. Խանոյանի և Ա. Մելիք-Շահնազարյանի գրքույկները միասին վերցրած։ Այն զբաղվում է մարքսիստական դիրքերից, արժանավոր տեղ է գրավում Մայիսյան ապստամբության պատմության մասին եղած գրականության ցանկում։ Չնայած նրանում

տեղ դառնալիս առանձին ձևակերպումներին (էջ 43, 44, 58), որոնց հետ այժմ համաձայնվել չի կարելի, այնուամենայնիվ նրանում առաջ բաշխված դրույթները և Մալխոյան ապստամբության վերաբերյալ մինչ այդ եղած դրականության հեղինակների հասցեին արված քննադատական դիտողությունները (էջ 53, 55, 63, 65, 66 և այլն), որ վերաբերում են Ս. Կասյանին, Շ. Ամիրխանյանին, Ա. Հովհաննիսյանին, Գր. Զուբարին և ուրիշներին, հիմնականում ճիշտ են:

Ժողովածուում զետեղված փաստաթղթերը արժեքավոր աղբյուր են Մալխոյան ապստամբության պատմության համար: Միայն պետք է ցավալ, որ ժողովածուում զետեղված արխիվային փաստաթղթերի աղբյուրները չեն նշված:

Նույն թվականին ՀԿ(Բ)Կ Կենտկոմին կից կուսպատ ինստիտուտը լույս ընծայեց «Մալխոյան ապստամբության Ալբոմը»: Ալբոմն ունի «Մալխոյան ապստամբությունը Հայաստանում» խորագրով առաջաբան, որտեղ սեղմ կերպով խոսվում է Մալխոյան ապստամբության ու նրա պատմական նշանակության մասին: Այնտեղ զետեղված են Մալխոյան ապստամբության հերոսներ Ստ. Ալավերդյանի, Հ. Սարուխանյանի, Ղ. Ղուկասյանի, Ս. Մուսայելյանի, Բ. Ղարիբջանյանի, Ե. Մկրտումյանի, Վ. Ալեքսեևի, Ե. Սևյանի, Բ. Բատիկյանի, Ա. Մելքոնյանի և Ա. Փանյանի մեծագիր դիմանկարներն ու կենսագրականները, ինչպես նաև Մալխոյան ապստամբության հետ կապված հիշարժան վայրերի շատ լուսանկարներ: Ալբոմը կազմել է Մ. Ներսիսյանը, պատասխանատու խմբագիրն է քաղաքացիական կոիվների ակտիվ մասնակից, անվանի հայ պոետ Եղիշե Զարենցը:

1935 թ. լույս տեսավ Ա. Խանջյանի «Մալխոյան ապստամբությունից դեպի նոյեմբերյան հաղթանակը» գրքույկը, որը Մալխոյան ապստամբության 15-ամյակի առթիվ Լենինականի կուսակցական և բանվորական ակտիվի ժողովում 1935 թ. ապրիլի 22-ին կարդացած զեկուցումն է: Սա Մալխոյան ապստամբության վերաբերյալ մինչ այդ եղած գրականության մեջ ամենաարժեքավորն է, թեև հատուկ ուսումնասիրություն չէ Մալխոյան ապստամբության մասին: Ա. Խանջյանի այս աշխատությունը բաղկացած է հետևյալ բաժիններից. 1) Դաշնակցական Հայաստանն իմպերիալիզմի ձեռնածուկ. 2) Տնտեսական անկումը դաշնակցական Հայաստանում. 3) Բանվորների և աշխատավոր գյուղացիների թշվառ կացությունը դաշնակցական Հայաստանում. 4) Մալխոյան ապստամբության համառոտ ուրվագիծը. 5) Ռեակցիայի բոլոր ուժերի միասնական ֆրոնտը Մալխոյան ապստամբության դեմ. 6) Մալխոյան ապստամբության պարտության պատճառները. 7) Նրանք տվին խորհրդային հայրենասիրության փայլուն օրինակ. 8) Հայ բուրժուազիայի և նրա կուսակցության «հայրենասիրական» կեղծիքը. 9) Հայաստանի դաժան երեկն ու կենսուրախ այսօրը. 10) Միշտ վառ ու բոցավառ խորհրդային հայրենասիրությունը:

Իր այդ սեղմ շարադրանքում Ա. Խանջյանը ճիշտ է վերլուծել երկրի նախամալխոյան շրջանի իրավիճակը, ճիշտ է բնութագրել բուրժուա-նացիոնալիստական կուսակցություններին ու նրանց հակահեղափոխական դործունեությունը ապստամբության շրջանում: Խոսելով Մալխոյան ապստամբության պարտության պատճառների մասին, Ա. Խանջյանը որոշակի նշում է, որ «Մալխոյան ապստամբությունը բոլոր տվյալներն ունի՝ հաղթանակով պսակվելու»: Նա ապստամբության պարտության պատճառները խիստ համառոտ, բայց հիմնականում ճիշտ է վերլուծել:

Ա. Խանջյանի «Մալխոյան ապստամբությունից դեպի նոյեմբերյան հաղթանակը» գրքով, կարելի է ասել, վերջանում է Մալխոյան ապստամբության պատմության վերաբերյալ ստեղծված դրականության առաջին շրջանը: Նրանից հետո անհատի պաշտամունքի շրջանում որոշ ժամանակով ընդհատվեց համապատասխան գրականության հրապարակումը:

Կարելի է ասել, որ 1936—1953 թթ. ընկած ժամանակամիջոցում Մալխոյան ապստամբության մասին լույս տեսան միայն առանձին լրագրային հոդվածներ, որոնցում, սակայն, ապստամբության պատմությունը մեծ մասամբ ներկայացված է ծուռ հայելու մեջ:

Մալխոյան ապստամբության պատմության վերաբերյալ նոր աշխատություններ լույս տեսան 1950-ական թթ.: Այսպես, 1955 թ. լույս տեսավ Հ. Տոնոյանի «Փառապանծ էջ Հայաստանի ռեյուցիոն շարժումների պատմությունից. 1920 թ. Մալխոյան ապստամբությունը Հայաստանում (համառոտակի ակնարկ)» գրքույկը (101 էջ): Հեղինակը արխիվային փաստաթղթերի հիման վրա տվել է, ինչպես ինքն է գրել, համառոտ ակնարկ Մալխոյան ապստամբության մասին, ընդ որում, գիտական շրջանագրության մեջ է գրել նոր փաստաթղթեր: Սակայն այս գրքում էլ դեռևս կան Արմենկոմի և ՀՌՀ կոմիտեի հասցեին անհիմն մեղադրանքներ (էջ 90—96):

Նույն թվականին լույս տեսավ Գ. Ղարիբջանյանի «Մալխոյան ապստամբությունը 1920 թրվականին» գրքույկը (118 էջ): Հեղինակն օգտագործել է ՀՌՀ կոմիտեի 1920 թ. մայիսի 13-ի

ընդլայնված նիստի արձանագրությունը, հավելվածում հրապարակել է Ս. Մուսայելյանի նրևանի րանտից ՌԿ(Բ) Կովկասյան երկրային կոմիտեին գրած նամակը և Բ. Ղարիբջանյանի՝ դաշնակցական դատարանում արտասանած «Մահապատժից առաջ» ճառը, որոնք Մայիսյան ապստամբության պատմության համար կարևոր փաստաթղթեր են։ Սակայն չի կարելի լրիվ համաձայնվել հեղինակի հետ, երբ նա գրում է. «ՌԿ(Բ) Հայաստանի կոմտեն և Հայաստանի Ռազմա-հեղափոխական կոմիտեն թույլ տվեցին լուրջ քաղաքական և ռազմա-ստրատեգիական սխալներ» (էջ 91)։

1960 թ. լույս տեսավ Գ. Գալոյանի «Մայիսյան հերոսական ապստամբությունը» գրքույկը (116 էջ), որը գրվել է Հայպետունմանկհրատի պատվերով՝ միջնակարգ դպրոցների ուսուցիչների և բարձր դասարանների աշակերտների համար։ Գրքույկը հանրամատչելի շարադրանք է Մայիսյան ապստամբության մասին։ Այնտեղ պետեղված են Մայիսյան ապստամբության 13 հերոսների նկարները և վերջում տրված են նրանց համառոտ կենսագրությունները, որոնք գրքույկն ավելի հետաքրքիր են դարձնում։ Բայց հեղինակը չի փորձել Մայիսյան ապստամբության պատմության շուրջված կամ վիճելի հարցերի վերաբերյալ իր կարծիքը հայտնել։

1961 թ. լույս տեսավ Հ. Կարապետյանի «Մայիսյան ապստամբությունը Հայաստանում 1920 թ.» աշխատությունը, որը Մայիսյան ապստամբության մասին առաջին ծավալուն (338 էջ), ամբողջական ուսումնասիրությունն է։ Բայց հեղինակը, ինչպես ինքն է գրում, չի սպառել «Մայիսյան ապստամբությանը վերաբերող բոլոր հարցերը» (էջ 7)։ Ապստամբության մասնակիցների միջոցով նա ճշտել է շատ փաստեր։ Գրքում զետեղված են Ռազմա-հեղափոխական կոմիտեի, ապստամբության մասնակիցների խմբակարները, ինչպես նաև «Վարդան Զորավար» զրահազնացքի անձնակազմի մի խումբ մարտիկների, Ալեքսանդրապոլում ապստամբության մասնակից հեծյալ զնդերի մի խումբ սպանների և զինվորների խմբակարները և այլն։ Հեղինակը, սակայն, չըջանցել է Մայիսյան ապստամբության պատմության վիճելի և չլուծված որոշ հարցեր։

Մայիսյան ապստամբության պատմության համար կարևոր աղբյուր են «Հին բոլշևիկների հիշողություններ» ժողովածուն, որի առաջին գիրքը լույս տեսավ 1958 թ., երկրորդը՝ 1961 թ., ինչպես նաև ՀՍՍՀ գիտությունների ակադեմիայի պատմության ինստիտուտի, ՄԼԻ հայկական ֆիլիալի և ՀՍՍՀ ՆԳՄ արխիվային վարչության հրատարակած «Հոկտեմբերյան սոցիալիստական մեծ հեղափոխությունը և սովետական իշխանության հաղթանակը Հայաստանում» փաստաթղթերի և նյութերի ժողովածուն, որը ռուսերեն լույս տեսավ 1957 թ., հայերեն՝ 1960 թ.։

Պարբերական մամուլում Մայիսյան ապստամբության վերաբերյալ լույս են տեսել բազմաթիվ հոդվածներ։ Դրանցից նշենք միայն Ավիս Նուրիջանյանի հոդվածն ու ելույթը Կոմիտեների II կոնգրեսում 1920 թ. հուլիսին, որոնք և առաջինն են Մայիսյան ապստամբության վերաբերյալ գրականության մեջ, և առանձին հետաքրքրություն են ներկայացնում։

1920 թ. հունիսի 3-ին Բաքվում ռուսերեն լեզվով լույս տեսնող «Կոմունիստ» թերթում, իսկ հունիսի 8-ին՝ հայերեն լեզվով լույս տեսնող «Կոմունիստ» թերթում լույս տեսավ Ա. Նուրիջանյանի «Ապստամբությունը Հայաստանում» հոդվածը։ 1920 թ. հուլիսին Կոմիտեների երկրորդ կոնգրեսում նա հանդես եկավ «Կոմունիստը Հայաստանում» թեմայով ղեկուցմամբ։ Այս ղեկուցումը տպագրվեց «Коммунистический интернационал» ամսագրի 1920 թ. № 13-ում (այս ղեկուցումը զետեղված է նաև «Առաջին մասսայական-հեղափոխական շարժումները Հայաստանում» և «Հոկտեմբերյան սոցիալիստական մեծ հեղափոխությունը և սովետական իշխանության հաղթանակը Հայաստանում» ժողովածուներում)։

Ավիս Նուրիջանյանի վերոհիշյալ հոդվածներն ու ղեկուցումը հիմնականում միևնույն բովանդակությունն ունեն։ Այնտեղ կան հետաքրքիր տեղեկություններ Հայաստանի հեղափոխական շարժման, կոմունիստական կազմակերպությունների դրության ու գործունեության մասին։ Բայց այնտեղ կան Ալեքսանդրապոլի ապստամբության մասին բացահայտ անճշտություններ։ Այսպես, օրինակ, նա գրել է. «Մայիսի 14-ին կառավարական ղորերը կրակ բացին քաղաքի վրա։ Նրանք ժամ տեղը կատաղի կռիվից հետո, խորհրդային զորքերը թողնում են քաղաքը և ցրվում Հայաստանի դանազան կողմերը։ Կառավարական ղորերը քաղաք է մտնում և 14-ի առավոտյան սովետական իշխանությունն ընկնում է» («Коммунистический интернационал», 1920, № 13, էջ 2550)։

Ավիսի հաղորդումը իրականությունը չի համապատասխանում։ Մայիսի 14-ի առավոտյան կառավարական զորքերը քաղաքի վրա ոչ մի կրակ չեն բացել։ Իրա կարիքը չի հղել։

1959—1960 թթ. «Լենինյան ուղիով» ամսագրի էջերում Մայիսյան ապստամբության պատմության հարցերի շուրջը նորից բանավեճ սկսվեց։ Ամսագրի խմբագրությունը մտքերի փոխանակության կարգով լույս ընծայեց Շ. Ամիրխանյանի «Հայաստանում Մայիսյան ապստամբու-

թյան (1920 թ.) բնույթի մասին» հոդվածը («Լենինյան ուղիով», 1959, № 7), ուր թույլ էին տրված մի շարք լուրջ սխալներ:

Շ. Ամիրխանյանի դեմ միանգամայն ճիշտ դիրքերից հանդես եկավ Ղարսի ապստամբության մասնակից, հին բոլշևիկ Լևոն Ղազարյանն իր «Մենք համաձայն չենք» հոդվածով («Լենինյան ուղիով», 1959, № 12): «Առարկելի դրույթներ» հոդվածով հանդես եկավ նաև Հ. Տոնոյանը, որը Մալխյան ապստամբության բնույթի մասին ճիշտ դիրքերից քննադատեց Շ. Ամիրխանյանին:

Մի քանի դիտողություններ:

Մալխյան ապստամբության պարտության պատճառների հարցը դեռևս լրիվ պարզաբանված չէ: Մեր պատմաբանները պետք է հատուկ ուշադրություն դարձնեն այս խնդրի վրա:

Մալխյան ապստամբության հերոսների շարքը պետք է դասվեն զենեկավոր. Ա. Խաչատուրովը, որին դաշնակները 1920 թ. մայիսի 13-ին Ալեքսանդրապոլում տեղորի ենթարկեցին՝ ապստամբների կողմն անցնելու համար և Ալեքսանդրապոլում ապստամբության օրերին ապստամբ-գործող զորամասերի հրամանատար, զնդապետ Ա. Մելիք-Շահնազարյանը:

Առանց հուզմունքի չի կարելի ծանոթանալ Հայաստանի կոմունիստական կուսակցության առաջին ղեկավար, տեսականորեն պատրաստված մարքսիստ, Մալխյան ապստամբության հերոս Ստեփան Ալավերդյանի անձնուրաց գործունեությանը: Մեր կարծիքով, վաղուց ժամանակն է ըստ արժանվույն հավերժացնելու նրա հիշատակը: